

WAKTU SOLAT

Daerah Petaling dan kawasan yang sewaktu dengannya



| | |
|----------------|---------------|
| SUBUH | SYURUK |
| 05:47 | 07:10 |
| ZUHUR | ASAR |
| 13:22 | 16:46 |
| MAGHRIB | ISYAK |
| 19:30 | 20:45 |
| IMSAK | 05:37 |

MUTIARA AL-QURAN



Dan sebaliknya orang-orang yang fasik, maka tempat kediaman mereka ialah neraka; tiap-tiap kali mereka hendak keluar dari neraka itu, mereka dikembalikan kepadanya, serta dikatakan kepada mereka: "Rasalah azab neraka yang kamu sentiasa mendustakannya di dunia dahulu".

Surah As-Sajdah (20)

Sebarang cadangan & komentar sila e mailkan kepada kami di: suarapiu@yahoo.com atau, hubungi kami di:

PUSAT ISLAM UNIVERSITI,
UNIVERSITI PUTRA MALAYSIA,
43400 UPM SERDANG,
SELANGOR DARUL EHSAN.
TEL: 03-89468582
FAKS: 03-89483742

HEBAHAN & MAKLUMAN



1. Imam / Khatib yang bertugas Juma'at minggu ini **12 Julai 2013 / 03 Ramadhan 1434H** : **Dr. Wan Aminurrashid bin Wan Abd Hamid**

2. Sesi Bacaan al-Quran & terjemahan sebelum Solat Fardhu Juma'at , **Ayat 78 - 85 Surah al-Ghafir** yang akan disampaikan oleh **Ustaz Khairul Fahmi bin Mukhid** (Al-Quran) & (Terjemahan)

3. Sempena ber kunjungnya Ramadhan Al-Mubarak, Pusat Islam Universiti dan Masjid UPM ingin mempelawa pihak tuan/puan yang budiman untuk turut sama merebut peluang kebajikan dalam menyumbang makanan atau tajaan. untuk mereka yang berbuka puasa di Bulan Ramadhan. Sebagai makluman, sebahagian besar para jemaah yang menghadiri Majlis Berbuka Puasa setiap tahun adalah terdiri daripada mahasiswa/mahasiswi UPM, staf UPM, musafir dan penduduk setempat yang tinggal berhampiran dengan Masjid UPM. Jumlah sumbangan tajaan untuk berbuka puasa harian adalah sebanyak RM 1000 (sehari) untuk jamuan kira-kira 350 - 400 orang jemaah yang berbuka di Masjid UPM. Kepada sesiapa yang berminat untuk menyumbang makanan untuk berbuka puasa di Masjid UPM, bolehlah menghubungi kami di talian 03-8946 8582/ 8581 (Ust. Norhisyam).

INFO RAMADHAN

AHLAN WASAHLAN YA RAMADHAN

Pusat Islam Universiti dan Masjid UPM mengucapkan selamat menyambut Ramadhan al-Mubarak 1434H

Aktiviti menarik sepanjang bulan Ramadhan 1434H

- **Solat Tarawih**
- (diimamkan oleh pelajar Maahad Tahfiz Wal-Qiraat Pulau Chondong, Kelantan)
- **Jamuan Berbuka Puasa** (Setiap Hari)
- **Agihan Bubur Lambuk** (hari bekerja sahaja)
- **Tazkirah Ramadhan** (sebelum solat zuhur)
- **Tadarus Al-quran**
- **Qiamullail dan Iktikaf 10 Malam Terakhir**
- **Kaunter Zakat Fitrah** (mulai 12hb Julai 2013)
- **Infraq Ramadhan**

Sabda Rasulullah s.a.w yang bermaksud :

"Barangsiapa yang berpuasa pada bulan Ramadhan dengan penuh keimanan dan mengharapkan pahala daripada Allah. Dosanya yang telah lalu diampuni oleh Allah".

(Hadis riwayat al-Bukhari)

مِمْبَارُ بَطْرَا

Mimbar Putra



RISALAH JUMAAT MINGGUAN MASJID UNIVERSITI PUTRA MALAYSIA

Mimbar Putra/11/2013

" ZAKAT FITRAH PELENGKAP MENUJU TAQWA "

(Petikan Khutbah JAIS)

SEDUTAN KHUTBAH



Sesungguhnya ibadah zakat fitrah yang disyariatkan pada tahun ke 2 hijrah merupakan zakat badan yang dikenakan terhadap makanan utama sesebuah negara seperti beras, kurma, gandum dan anggur. Di Negara kita, zakat fitrah dikenakan atas beras dengan kadar satu gantang baghdad bersamaan 3 cupak sukatan Malaysia atau 2.25 kilogram. Ia harus ditunaikan dalam bentuk nilai duit berdasar kepada harga pasaran beras mengikut berat yang ditentukan tersebut. Untuk makluman seluruh ahli jemaah sekelian, Majlis Fatwa Negeri Selangor telah memutuskan bahawa harga zakat fitrah pada Ramadhan ini ialah sebanyak RM7.

Sesungguhnya Allah SWT menjanjikan ganjaran yang besar kepada hamba-hambaNya yang memenuhi hajat saudaranya yang lain ketika saat yang amat memerlukan. Lebih-lebih lagi apabila kita me laksanakan amal-amal kebajikan di dalam Bulan Ramadhan yang mulia ini.

Daripada Abdullah bin Umar r. a bahawa Rasulullah s.a.w bersabda yang bermaksud:

"(Antara) orang yang paling dicintai oleh Allah SWT ialah orang banyak memberi manfaat kepada masyarakat, dan (diantara) amalan yang paling Allah sukai ialah kegembiraan yang dimasukkan dalam hati seorang muslim, atau menghilangkan baginya kesulitan, atau menyelesaikan hutang-piutangnya, atau menghilangkan baginya kelaparan".

(Riwayat Imam Tabrani)

Bayangkan, di waktu kita berasa seronok dan gembira untuk menyambut Hari Raya Aidilfitri, anak-anak kita mendapat baju dan kasut baru, isteri kita seronok dengan kuih-muih beraneka jenis dan rumah kita dihias indah, namun ada di kalangan insan yang sedih dan berduka kerana tidak mampu memberikan makan dan minum yang cukup untuk anak-anak mereka.

Firman Allah SWT dalam surah al-Baqarah, ayat 274 yang bermaksud :

"Orang-orang yang membelanjakan (mendermakan) hartanya pada waktu malam dan siang, dengan cara sembunyi atau terbuka, maka mereka beroleh pahala di sisi Tuhan mereka, dan tidak ada kebimbangan (dari berlakunya kejadian Yang tidak baik) terhadap mereka, serta mereka pula tidak akan berdukacita".

Kita amat bersyukur kerana dengan penuh rahmat Allah SWT dan kasih-Nya telah memberi peluang kepada kita untuk menikmati kehadiran Bulan Ramadhan pada tahun ini. Jadikanlah bulan Ramadhan ini sebagai pesta beribadah dengan melipatgandakan ibadah kita bukan semata-mata pesta juadah sehingga ke penghujung Ramadhan. Oleh itu, marilah kita mencontohi Nabi s.a.w berdasar kepada riwayat yang menyatakan bahawa, Rasulullah s.a.w melipat-gandakan amalan baginda termasuk ibadah solat, zakat dan sedekah apabila datangnya bulan Ramadhan.

Hal ini diceritakan oleh Ibnu Abbas r.a bahawa:

"Rasulullah s.a.w adalah orang yang paling dermawan. Baginda lebih dermawan lagi di bulan Ramadhan semasa beliau bertemu Jibril. Jibril menemuinya setiap malam untuk mengajarkan Al Qur'an. Dan sifat dermawan Rasulullah S.A.W melebihi angin yang berhembus".

(Riwayat al-Bukhari)

Oleh itu, marilah kita rebut peluang yang diberikan ini untuk bersungguh-sungguh beramal dan berbakti melaksanakan ibadah dengan cara terbaik samaada ibadah fardhu ataupun sunat, memperbanyakkan taubat dan memohon ampun kepada Allah, semoga kita kembali menemui Allah dengan penuh kesejahteraan dan kemenangan membawa bersama amal-amal kebajikan yang akan dipersembahkan kepada-Nya.